



Հ Ա Ն Գ Ի Ս Տ

Տ. ՄԱՏԹԵՈՍ ԱՐԲԵՊԻՍԿՈՊՈՍ ԻՆՃԵՅԱՆԻ

Մանչեստրից Ամենայն Հայոց Հայրապետի անունով ստացված հեռագիրը գուժեց տեղի հոգևոր հովիվ Մատթեոս Արքեպիսկոպոս Ինճեյանի մանր:

Հանգուցյալ Սրբազանը ծնվել է Գումգաբուում 1877 թվին: Իր նախնական և միջնակարգ կրթությունը նա ստացել է տեղական դպրոցներում, իսկ բարձրագույնը՝ Փարիզի Իրավաբանական Համալսարանում: Այնուհետև նա Արմաշի Դպրեվանդում կրոնական հարկավոր պատրաստությունը ստանալուց հետո, 1909 թվին, Սկյուտարի Ս. Կարապետ եկեղեցում, հոգելույս Իզմիրյանի կողմից ձեռնադրվում է վարդապետ: Նա այստեղ կարճ ժամանակ պաշտոնավարելուց հետո, առաջնորդության է կանչվում Սիս, իսկ այնուհետև տեղափոխվում է Զմյուռնիա առաջնորդական պաշտոնով ու երկար տարիներ մնում այստեղ: 1914 թվին, տեղի խառը ժողովի միջնորդությամբ, եպիսկոպոս է օծվում էջմիածնում Տ. Գեորգ Ե.ի կողմից նույն թեմի վրա: Հետագայում նա վարում է Սամսոնի առաջնորդությունը, Եփրատյայի Հոգևոր հովվությունը, և վերջում, իր առողջական վիճակի թելադրանքով, հանձն է առնում Մանչեստրի հոգևոր հովվությունը: 1932 թվին, խորեն կաթոլիկոսի ընտրության ժամանակ, որպես պատգամավոր եկել է Ս. էջմիածին և Վեհափառ Հայրապետից ստացել արժանի աստիճան:

Մատթեոս Արքեպիսկոպոսի մահով Հայաստանյայց եկեղեցին կորցնում է մեծ առաքինություններով օծված իր բարձրաստիճան մի հոգևորականին, որը ազնվաբար արել է կարելին իր եկեղեցու և իր ժողովրդի համար:

Տերը լուսավորե նրա հոգին: